

四庫全書

集部

欽定四庫全書

集部  
蘭軒集卷三  
四

詳校官中書臣羅錦森

侍讀臣孫球覆勘

謄錄貢生臣章松雲

謄錄貢生臣郭 墉

欽定四庫全書

蘭軒集卷三

元 王旭 撰

五律

西園秋暮

矮榻橫踈牖終朝兩足盤  
雨蒸書紙潤風飲硯泉乾  
扇影初辭暑蟲聲已報寒  
流年催白髮明鏡不堪看

夜坐

柴戶掩秋蟲  
藜牀動晚鍾  
光陰易遲暮  
文字足踈慵  
曉

磬松間寺寒燈雨外春  
天明對清鏡憔悴有新容  
倚杖省風色瀟瀟暮轉增  
灘聲連夜枕雨氣逼踈燈  
歲月閑多悞功名拙未能  
悠悠百年意湖海愧陳登

越中除夕

書劍流年度風霜  
旅病侵梅花南國夢  
萱草北堂心  
魚雁音書遠江湖風浪深  
故園歸未得回首一長吟

雜詩

永夜披衣起離懷  
酒半醒衆星何歷歷  
孤月自亭亭露

氣三更白天容萬古青何當上銀漢濯髮謝塵腥  
家貧甘淡薄地僻寡經過日暮佳人遠春深碧草多山  
川留笑傲湖海入蹉跎明月一樽酒無人聽浩歌

尊酒何人在青山落日昏商歌聊寄意楚些未招魂世  
事頻欹枕愁懷獨倚門鵲鴿心不斷千里共啼痕

清風生槁木明月照空尊鬱鬱歌聲斷茫茫夜氣昏流  
年翻故紙生理憶前村擬買雲山住黃塵謝遠奔

骨肉三年別雲山一夢賒乾坤兩神物今古幾浮華嶺

礙橫秋鶚林啼返哺鴉帝鄉雖可戀爭似早歸家  
萬慮散還集孤懷行轉幽劍歌心事晚燈火鬢華秋歲  
月水東注關山人北游幾時霄漢路黃鵠謝籠囚

滄浪亭下水濯足有高人聲價乾坤大光容日月新騎  
鯨今不返覓句欲誰親忽憶論文夕傷心淚滿巾

滄浪亭下水回首未忘情無復塵纓濯何勞波浪清山  
川元氣在風雨暮愁生得句無人和天空孤月明

碧澗寒松樹庭除未易栽根盤元氣在花抱白雲開匠

石無消息幽人自往來  
冰霜千歲節桃李莫相猜  
睡起南牕下吟詩兩鬢風  
惜無尊酒綠聊發醉顏紅  
世事何時了浮名到底空  
故園歸去晚蘭菊半萸蓬

帝里三年客麻衣兩鬢塵  
運斤思郢質度曲困巴人  
意以寧辭苦芙蓉不嫁春  
歸來當世事已矣勿重陳

藜杖晚風前衡門落木邊  
傷時成短詠引鏡惜流年  
寶劍曾衝斗靈槎可上天  
誰能甘碌碌塵土沒華顛

不買酒澆愁唯吟詩送秋  
黃花開易了青鬢去難留  
道

業知誰重儒冠浪自囚會當鞭彩鳳八表恣狂遊

長歌續短歌歌罷意蹉跎白屋沉風雅青雲出揣摩螫  
龍寒不起山鬼暮還過莫憶遠遊賦途窮霜露多

人海易風波吾行知奈何乘槎天漢遠泣玉淚痕多故  
苑荒蘭菊空山老薜蘿青霞千古意白石一聲歌

玉佩石蘭衣手拖明月輝騷人不相待薄俗竟安歸閱  
苑迷蒼海瓊宮隔紫微世塵三萬丈黃鵠要高飛

西溪十首



我愛西溪好將營屋數椽烟霞忘俗累詩酒度殘年蓋  
影留晴樹琴聲瀉夜泉須知雲屋叟不羨玉堂仙

我愛西溪好披雲屢往來一川烟景豁三面畫屏開薄  
俗無高隱清詩有逸才近巖多隙地松竹更須栽

我愛西溪好泉清石怪竒共言幽勝處偏與隱居宜富  
貴非吾願山林及此時生涯黃卷在心事白雲知

我愛西溪好清無一點塵雲霞增勝境猿鶴待幽人杖  
屨終留此英靈許卜隣從今休更說無地着閒身

我愛西溪好常來弄淺清真能忘世慮何止濯塵纓岸  
石層層出山雲細細生詩腸憎火食飲水啖黃精

我愛西溪好將來作主人且圍薪水便寧畏虎狼嗔地  
壯疏應美泉甘釀必醇白雲堪伴老何苦戀紅塵

我愛西溪好潛深有白龍乾坤方苦旱雷雨不應慵石  
峻水聲急巖高雲氣重誰能窺變化神物本無蹤

我愛西溪好高垂百丈泉若非銀漢落即是玉虹懸噴  
薄映青壁空濛生白烟來觀當六月毛骨亦森然

我愛西溪好巖將弄水名誰書三大字傍紀一時英世  
事從多變人生只此情青山一樽酒醉眼看雲生  
我愛西溪好來登萃美亭泉飛千尺素山疊萬層青勝  
絕詩難狀高寒酒易醒他時誰起廢留我伴英靈

泊邵伯

江湖春夜永露坐濕征袍水氣天星澹風聲野樹高悲  
傳江客笛愁寄楚臣騷俯仰乾坤內吾生何太勞

送劉左丞分省雲南

南詔山川遠中朝宰相尊志期均雨露心不負乾坤號  
今天聲振勲名國史存旌幢非久駐台鼎俟調元

送張元振僉事北上

世德繼忠清人才與俊英山城欣邂逅樽酒話平生只  
有風雲氣都無利欲情聖朝方講治行矣勗功名  
一樽離別酒重對泰山開顧我無他技奇君有用才力  
能超欲海思不介靈臺只恐朝班定山城難再來

送葉舜玉北上二首

原註名李召  
為中書右丞

萬里徵賢詔羣公刮目看道隨舒卷易名保始終難民  
力東南困臣心晝夜寒好將天下事一一奏金鑾

直節世難掩醉魂今始醒青雲非瘴海白日上天庭治  
亂陳三策皇王止六經更須前席夜辛苦話生靈

寄毅夫魯瞻

天地新秋雨軒牕昨夜涼閒來添懶病老去惜流光鐘  
鼎宦情薄山林歸夢長故人何處是深憶話行藏

村居

老雨收殘夏閒雲結晝陰鳥啼村塢靜人坐草堂深碧  
樹涵秋意青苔對暮吟柴門無好客誰與豁煩襟

九日會錢塘諸公飲於梅坡張氏分韻得隨字  
客裏塵埃帽秋風又一吹江山對豪傑詩酒強追隨芳  
草綠已謝寒花香獨遲人生幾重九長負故園期

婁敬洞

蒼山誰鑿破幽隱自婁公地處秦坑外人歸漢室中一  
編青史在千載白雲空我欲觀遺跡單衣怯冷風

有憶

生晚不同世夢中常見公神交初恍忽真際竟冥融未  
了希天事誰知立極功瑤琴思一鼓風冷月壇空

旅懷

書劍愁羈旅山川動遠思依劉心眷眷去魯意遲遲落  
日饑鷹怒高風獨鶴悲他鄉歲還暮深負故人期  
旅舍秋多感空庭夜獨吟悲風傳苦調明月照歸心清  
唱誰家酒寒宵何處砧詩成一長歎霜樹動棲禽

咏蟬

羣蟲喜炎熱此獨愛高陰薄蛭聊依葉清聲已出林人  
閒感衰節風急雜遙砧虛腹曾何竟常憂蟪蛄侵

題劉提領詩卷

學術兼儒吏公廉衆所聞胸懷同皎日勢利視浮雲驥  
屈駑駘駕鸞隨雁鷺羣品題先子在揮涕復何云

贈談命杜安之

安之精命術推算未常差白日君平肆清風季主家有



疑皆剖決無口不傳誇更問雲河外應知犯斗槎

方竹杖

此君何處得方質出天然物性皆憐直吾心亦惡圓四  
稜裁碧玉三尺斷寒烟大道隨安步從他捷徑先

野步

人烟遠城市村落帶林丘牧笛牛羊下豐年黍稷稠狐  
狸啼倚暮鷗鷺擊乘秋落日荒原上長吟獨未休

雞犬喧孤墅風烟暗遠郊荒池蛙占水高樹鳥爭巢野

性閒中遂塵緣靜裏拋幽懷吟不盡長嘯返衡茅

挽輔提刑

豪傑論當世經綸屬我公雲霄分繡斧炎海散霜風  
去關輕重哀榮備始終高名星日在誰謂百年空

甘棠南國政歌頌過三年調鼎方虛位騎箕忽上天祠  
陳新俎豆宅卜舊山川公去應無憾蒼生自可憐

澄清心未了瘴毒病還來白日摧天柱青雲落夜臺  
靈祠雖共設公道豈重開回首東山暮松風寄我哀

登萃美亭

岱嶽西南麓烟霞俯仰間有亭能萃美乘興輒忘還樂  
奏半溪水屏開三面山誰能為起廢留我伴雲間

生日有感

此身何處得垂涕念吾親況是劬勞日元非宴樂辰永  
懷烏返哺空歎棘成新壽酒君休酌無心學世人

壽長縣文會亭雜詩次韻五首

危亭人獨往衆木鳥爭吟晝永簟三尺暮涼風一襟竹

香仍帶筍栢小未成陰隱几觀元化悠悠物外心

小亭花竹裏長日夢魂閒風瀉簷頭水雲移屋上山登  
城舒遠目汲井洗塵顏袖有新詩句何妨數往還

雨霽淨無塵軒窓發興新燕翻三寸墨蝸篆一鈞銀地  
列朝吟物天留懶惰人舉家蠶事苦獨此愧閑身

野客獻桑椹因知蠶事忙逍遙今始愧辛苦舊曾嘗菜  
飯朝食飽槐風午睡涼閒身了無補深覺負萱堂

竹栢何人種萱榴手自遺盤食兼枸杞詩句到戎葵有

約來嘗早無心去每遲登臨雖可樂留滯亦堪悲

贈義士李善甫

義士世難得如君非偶然貫逋焚衆券周急數囊錢鄉  
譽傳千里門旌下九天清風激貪鄙何止化鯨川

先君忌日有感

誰奪吾親去歸期竟不聞玄關無白日蒼野但愁雲氣  
體流傳在音容寤寐分昊天恩罔極垂涕對爐薰

落日孤雲淚春輝寸草心遠遊當日錯悲恨暮年深世

業書無恙墳園樹有陰他鄉難久戀衰老覺侵尋  
草草盤飧具匆匆祀禮行慕深如有見哀極欲無生浮  
世光陰速衰年齒髮更蒼烟九原樹回首最關情

讀中庸有感

人心無內外物我自藩籬試看乾坤運何曾造化私寬  
平仁義路明白聖賢規曲學方蝸戰捫膺為爾悲

喜雨

秋旱冬無雪春來日日風雲霓方在望雷雨忽成功天

意誰窺測民心自感通太平家國事都在一犁中

餓殍非天意凶災掃旱妖甘霖方及尺瑞雪復連宵紅  
濕庭花萼青還隴麥苗東風和氣好饑火一時銷

白壁徒堪玩黃金不救饑民天唯五穀歲計在三時霖  
霖恩難報豐穰事可期簷聲來枕上因喜忽成詩

春日即事

瓶水插花枝堂深花氣微春風吹夢覺蝴蝶入簾飛芳  
草已云綠行人猶未歸凝塵滿瑤瑟白雪為誰揮

寄王肯堂參議

岱嶽到鯨川忽忽又五年  
朱顏不如舊白髮甚於前  
霄漢都無夢山林似有緣  
九原松柏樹回首正悽然

贈曹彥禮教授

豪傑多今士惟君我所知  
學探千古奧論決六經疑  
妙理春融後青燈夜話時  
斯文天意在勉力不須辭

贈王道者

并序

曹南道者王道深故人子實之子也子實始與予相



識於江南後十餘年又相會於碭而道深從焉於今  
又十餘年矣道深自魏來長蘆謁子於中和書院子  
見之驚問曰汝父安在而汝自何時若是耶道深慘  
然曰吾父數年前客死京師而予以多病學脩養之  
術寄身於羽流耳與之酒肉握手不近問其所得笑  
不肯言夫道深年甚少有壯妻稚子棄而不顧乃勺  
食以遊斯世其意果何求耶蓋道深之親有在淺土  
者情事未伸為天地間一罪人而不敢受妻子之養

耳其處心亦可憐哉予貧既無以助之因為詩以贈  
庶世有郭范之流以成子之志乎未可知也

年少抱羸疾黃冠聊寄身三生寧割愛一壑未忘親舟  
來人何在瑩園草又春吾詩非漫作特為寫酸辛

金山寺

我愛金山好中流勢屹然何人工擇勝此地坐安禪夜  
呪龍歸鉢晨齋客住船荒詩題姓字聊記過江年

我愛金山好乘舟到寺門波神巖拱衛佛力見雄尊風

雨潮聲暮樓臺海氣昏老僧留話久回首厭塵喧

雨後城東晚眺二首

落日孤烟外荒城積雨餘池蛙喧鼓吹沙鳥聚圖書山  
色濃堪掬雲形畫不如登臨千古意興廢付樵漁

落日高城上清風吹素襟晚山晴更近行潦聚還深未  
濯滄浪足空搖碧落心知音悵何許聊爾一長吟

秋日南城四首

廢堞荒荆刺秋風獨上遲江山何限好今古幾人悲鳥

雀爭新樹蛟龍憶舊池飄零遠遊子日暮欲何之  
秋高氣灑落歲晏天崢嶸鳧雁寒依渚豺狼晚傍城雲  
山終日好風浪幾時平徙倚荒烟外誰知獨望情

平野風烟濶層城雉堞危路長人去少天迫鳥飛遲宇  
宙空懷古樵蕪欲問誰青山烟雨外落日但愁眉

日落羣聲動風生四望陰天隨秋鴈盡山入暮烟沉歲  
月驚雙鬢功名梗寸心含情一長嘯愁色動楓林

晚發錢清渡

落日錢清渡孤帆客子船潮來初解纜風穩不勞牽問  
俗山川異瞻星宇宙偏蠻歌元不解強聽一悽然

遊光化寺

山門森萬木俗客到常稀藤葛逢僧話煙霞息世機秋  
聲連澗壑嵐氣濕裳衣懶入塵中去塵中有是非

送碭山宰尹潤之

彼美安陽宰廉能衆所推烹鮮知撫字游及見施為政  
事無遺憾民心有去思所聞皆實迹不愧卷中詩

宿瓜州渡

夜宿瓜州渡安排曉過江平生聞此水除海更無雙  
回首家千里寬心酒數缸醉眠誰我伴昏月照船牕

王謙甫郎中生日

海嶽英靈聚門闌氣象新槐風吹永晝椒酒頌長春  
報國心金石傳家子鳳麟湖山雖有力難屈廟堂身  
玉立塵埃表鷺翔雁鷺羣郎星明碧落英氣動青雲志  
在行公道才堪解世紛一樽長壽酒拚醉卧南薰

夢中送人遊江南

與子俱為客，還來登別筵。  
寒聲泉石地，秋色橘霜天。  
瀉酒澆鳴劍，分詩壓去船。  
魚龍莫歌舞，歌舞恐留連。

宿杏岡店書河神廟

酣歌送落日，回首是他鄉。  
瑟瑟風驚樹，沈沈月隱牆。  
魚龍悲夜壑，鳧雁起寒塘。  
倚柱一長嘯，所思非一方。

節婦趙氏二首

李母賢堪信，鄉閭語最真。  
松筠元有節，珠璧自無塵。  
教

子材成器持家富換貧清風傳懿範亦足厚人倫  
魯女歌黃鵠共姜賦栢舟焉知千載下得見二人儔高  
節超流俗清風凜素秋誰能編列女將此姓名收

贈張穎菴

市隱不干名聊將藝代耕致身因管氏求友得毛生善  
價沽皆徃斯文用則行一菴堪自樂脫穎未宜輕

贈李謙甫行

積善元多慶如君豈偶然子為天下士身作地行仙壽



酒芝蘭上春風杖屨前澶淵行樂暇應得憶鯨川  
天與年齡永人欽德性淳居鄉為善士教子作能臣名  
姓煙霄近恩光雨露新過庭應有訓多是在仁民

贈張子素

素也非狂士才高本不羈空懷雲壑志未辦草堂賢日  
月催人急文章得力遲京師有豪傑此去定相知

蘭軒集卷三

欽定四庫全書

蘭軒集卷四

元 王旭 撰

七律

贈孫伯陽

當年披腹獻琅玕，曾叩雲霄虎豹關。  
共道賓王重出世，豈知明逸却還山。  
平生志在經綸內，老去身留困厄間。  
命有窮通非我力，相逢樽酒且開顏。

贈夾谷士常

高歌白雪佩江蘿萬古騷人氣未衰滄海有珠龍出懶  
碧山無玉鳳來遲江淹彩筆人爭慕蜀客玄經世豈知  
他日侯芭問奇字酒車應許過書帷

書劔當年記轉蓬芙蓉南國最相從魏王臺下黃流急  
越鄂舟中碧酒濃人道蛟龍困行潦我知雲鶴慕長松  
袖中三策何時獻日暮君門望九重

亳州贈瓜爾佳士常

記得滄浪萬竹堂壯遊書劔又他鄉魚蝦海底龍方臥

燕雀塵中鳳亦忙  
遊子未歸魂欲斷  
故人相見話偏長  
天涯牢落無堪贈  
只有南豐一瓣香

贈劉叔敬

十年一見喜還驚  
白髮雖多得老成  
義氣崢嶸輕勢利  
孝心純篤貫神明  
從師已得淵源學  
涉世仍諳事物情  
風雪寒齋連夕話  
壯懷抒寫盡平生

贈元正卿

一別風塵十五年  
相逢青眼只依然  
白雲慣作無心出

明月還因有數圓  
蕙帳久拋歸隱夢  
錦囊多貯贈行篇  
衣冠俯仰人間了  
何必靈槎更上天

次韻贈周仲和

不泛靈槎上九天  
寄身人海任飄然  
風雲未了平生事  
日月空驚薄暮年  
窮我儘從詩作祟  
醉君安得酒如川  
相逢未久還相別  
腸斷朱絲白雪前

賦蕭提舉宅白牡丹

曾記霓裳舞太真  
天香依約畫欄春  
既醒千古繁華夢

肯染三生色界塵  
姚魏漫爭春  
富貴黃徐難寫玉精神  
金盤華屋人何在  
日暮東風客恨新

困眠僧寺

不趁齋鐘不問禪  
雲扉偶到興悠然  
老僧知我遊山倦  
丈屋開軒借榻眠  
暫把塵心拋俗累  
恍如香界到諸天  
齋童送茗來呼覺  
銷盡壚中柏子煙

寒食風雨舟中

北原煙雨暗松楸  
南國春光人白頭  
欲寫一書傳去鴈

忽驚雙淚落行舟塵埃香斷芙蓉佩風浪寒生杜若州  
岸上人家誰有酒一杯為洗客中愁

寒食

歲月悠悠東逝波他鄉春色等閑過要嘗桃李新京粥  
休唱龍蛇舊怨歌馮鉞歸來心未老黃壚別後意如何  
紛紛世事何須問依舊人間乞祭多

朝來恹澹過清明客裏光陰只自驚乞祭方看人醉飽  
遷喬又聽鳥鳴嚶萬家和氣生春日一片愁心倚暮城



拜掃情深歸未得  
憲王陵後有先塋

贈宿州尹王晉卿

一別江南又幾春  
每瞻山斗賦停雲  
鍊丹易得神仙藥  
斲堊難逢匠石斤  
花絮攬春愁  
擾擾塵埃遮畫事  
紛紛眼明今日知  
何日重向樽前見使君

懷古

梵宇琳宮幾處遊  
景多惟是此山頭  
天香縹緲塵埃遠  
水氣空濛霧雨愁  
舟楫西來連建業  
風煙北望見揚州

詩成欲別山僧去更為江聲一倚樓

登淮安城

何處登臨動客情天涯寒食楚東城舟通南國多來往  
地接中原足戰爭芳草春搖可憐色長淮怒作不平聲  
自慚乞食王孫賤不欲逢人道姓名

寄邳州倅李德徽

彩筆文章不療饑野情常與物乖離平生只有天知我  
四海曾無地置錐蓄艾要防身病日栽松留看歲寒時

舉頭東望圮川遠賦就停雲有所思

食齋

歲晏黃蘗食已窮春盤喜有齋苗供只因恬淡為心久  
故向腥膻下箸慵味苦莫將茶誤比性寒應為雪曾封  
花開留得甜根在猶勝詩人賦采葑

題高堂李氏致樂堂

棣花庭暖映春暉萱草堂深介壽祺孝養已聞三釜足  
敬心寧許一毫虧靈椿閱世風霜晚綵服承歡日月遲

千古南陔誰會得補亡留取卷中詩

上張元帥

鬱鬱風雲動壯圖沈沈神鬼祕陰符留侯策略高三傑  
安肅勳名冠九區畫戟香中朝宴士雅歌聲裏夜投壺  
窮途亦有談兵客許道蓮花幕下無

上劉元帥

蛟龍鳴匣劍鋒寒壯志行將掃百蠻勝負盡歸樽俎內  
風雲長在笑談間三軍令肅懸秋月四海名高仰泰山

早晚麟臺勲業了，將星高傍紫宮閑。

題三椿堂詩卷

自古靈椿壽最長，春風桃李敢同芳。誰知造化鍾三秀，  
共向君家萃一堂。拭目遙瞻南楚日，清心時炷漆園香。  
白頭昆弟真難得，一笑相看萬事忘。

杭州

前有潮江後太湖，百年奢侈宋遺都。山川不隔神仙境，  
樓閣相連罨畫圖。春色濃薰花世界，香風淨掃石街衢。

繁華擬作千年計，爭信王孫泣路隅。

送李公勉節使還深州

蘭軒雖老眼猶明，又向雲霄識俊英。  
玉雪風標謝塵俗，虹蜺氣宇見平生。  
不堪萍梗他鄉別，願結金蘭此日情。  
歸去棠陰有餘暇，更思崇德樹修名。

孫泰山書院故基詩

魯史成書自聖人，當時三傳已紛紜。  
窮經歷代非無士，立義尊王獨有君。  
游客偶來觀古迹，後賢誰與繼斯文。

鐘魚聲起絃歌斷落日空山愁白雲

燕城留別劉彥卿

辛苦江湖萬里來帝城三日又空回挑燈看劍雄心在  
把酒論文好意乖館閣功名付時彥山林風月入吟懷  
紫麟不是欄中物且把黃金鑠掣開

寄景實兄

蘭堂同着老萊衣未省人間有別離今日回看前日事  
長年爭似少年時闔山夜月頻勞夢鴻鴈秋聲遠寄詩

一命粗酬身事了，白雲南望莫來遲。

送申屠大亨燕城省兄

浮雲西北望長安，一曲離歌慘別顏。  
鴻鴈影寒看獨去，鶴鴒心苦要同還。  
加餐少飲他鄉酒，回首頻瞻故國山。  
我亦有兄無計往，送君空寫淚潺潺。

苒苒征塵望帝關，溶溶春意滿吟鞍。  
為思風雨對牀好，忘却山川行路難。  
蓮社交游須記憶，鳳城歌酒莫盤桓。  
到時為向尊兄道，貢禹塵冠待子彈。



上人

聖主恩隆眷遇偏姓名長在百官前  
風雲已際明良會雷雨仍分造化權  
虎節麟符開府日景鐘彝鼎勒功年  
袖中五色媧皇石要補東南破碎天

南國甘棠滿綠陰軍民懷德入謳吟  
位高蘭省瞻望遠恩在麻衣感泣深  
今古要談三寸舌門牆期盡百年心  
月明烏鵲無歸宿願托寒枝向鄧林

袖拂青雲下九天台星無恙只依然  
須知忠孝勤勞久

合著君王眷愛偏寵渥仰承新雨露歡聲搖動舊山川  
直教整頓南方了始入中書握化權

自憐塵土一書生曾向平津問路行心為被恩長感激  
氣因聞喜忽崢嶸文章欲使歌功德金石猶堪託姓名  
萬一龍門收舊物敢將談舌效縱橫

蟋蟀

來從郊野到堂階歌月吟風似有才長夜漫勞催婦織  
貧家何處得絲來夢回孤枕霜侵戶愁滿空庭露濕苔

幸有潛身無一事感時何苦動悲哀

送道者秦子正西歸

孤雲出岫鶴辭林去住誰知萬里心  
金骨未經靈藥換玉顏寧免素塵侵  
丹書久祕長生訣綠綺仍傳太古音  
悵望碧桃花底月相思毋吝寄清吟

仙游元不恨東西塵世多情恨別離  
鍊氣久銷丹竈火逢人猶唱玉京詞  
白雲有約還山早銀漢無槎謁帝遲  
他日裁成大鵬賦與君同赴赤松期

送朱彥常濟南監納

逆旅相逢對榻眠，肺肝傾寫笑談前。  
袖中玉斧能修月，脚底靈槎穩上天。  
升斗代耕淹此日，功名驚衆看他年。  
莫言管庫卑微職，委吏猶堪屈聖賢。

登鯨川樓

飛樓縹緲礙行雲，斗天低手欲捫椽。  
屨來登乘暇日，欄干獨倚斷吟魂。  
煙濤南望江流闊，霧雨東連海氣昏。  
日暮鄉心愁正絕，不堪笳鼓動譙門。

客從書肆中得先君遺墨一紙

誰將遺墨到燕都  
手澤如新世事殊  
寶玉來歸今在否  
金甌缺壞付嗟吁  
吾翁墓木俄然拱  
先帝山陵早已蕪  
五十三年成一夢  
天涯流落淚如濡

臘日東園探春

去年度臘泰山前  
今歲鯨川度臘天  
自笑此身無定所  
未知何地遇明年  
風霜烈烈玄陰底  
日月悠悠白髮邊  
聞道東園春信近  
興來容我杖藜先

我愛嘉平不為仙，愛茲時節近春天。  
陽生北陸風霜後，興在東園杖履前。  
未得芳菲酬勝賞，且將詩酒送流年。  
人生會合元難得，一笑當知不偶然。

滕王閣

彈鋏長歌斷復吟，倚欄誰識倦遊心。  
東南瘴海炎氛惡，西北神州王氣深。  
芳草無情春又綠，浮雲多事暮還陰。  
龍光不必驚牛斗，自古英雄有陸沈。

資聖閣

金鐸聲中百尺梯欄干高壓萬琉璃歲華來往人空老  
天意興亡物豈知萬里秋風吹短鬢百年人事見殘碑  
登臨不用遲遲下恐到江山日暮時

竹絲筆

細縷霜筠束縛牢一朝身入翰林高名傳渭水真龍種  
氣壓中山老兔毫但得成功親汗簡也勝為笑戰雲濤  
此君若論文場用消得韓公一傳褒

春望

天氣清明地氣溫憑高極目動吟魂  
草鋪春色暗平野  
花帶夕陽明遠村  
欲向流形觀造化  
須從生意認乾坤  
舞雩壇下東風好  
此樂無人與共論

泰安監州石使君再臨郡治適相會於京師因  
其歸賦詩為餞兼簡元侃同知一笑

白晝山川衣錦行  
故鄉歸去馬蹄輕  
郡人定有壺漿候  
童子寧無竹馬迎  
千里再歌新德化  
一朝重續舊聲名  
到時若見張夫子  
為說相思白髮生



太湖

自古東南說太湖扁舟今日過勾吳畫中漁艇長橋晚  
鏡裏炊煙震澤孤淼淼四旁天遠接悠悠一色練平鋪  
清風不逐鷓鴣夷去長向烟波伴釣徒

秋扇

暑退乾坤爽氣生回看紈扇便忘情人心自是無常定  
天地元來有變更唐室未安尊李郭楚兵才散戮韓彭  
功成幸得安閑地寂寞西風不用驚

宇宙涼生幾日間便將紈扇等閑看須知物到功成了  
自合身歸冷地閑影落羿妃天上月香消秦女霧中鸞  
棄捐休道長如此會見炎官駕復還

纔得人間幾日秋便將紈扇暗中投雖無白汗流衣底  
尚有青蠅在案頭提挈猶堪他日用動搖還得此時休  
炎涼用舍非吾事付與桃笙一處愁

聞角

月落高城露濕衣誰將寒角帶愁吹折殘楊柳春蕭索

愁落梅花人別離  
泣水不應龍獨怨  
入雲當與鴈同悲  
何時四海無征戰  
只聽秦簫不聽伊

蔬食

魚鳳烹龍日萬錢  
就中憂慮大如天  
爭如陋巷窮詩客  
自擷春蔬煮澗泉  
茹絕葷羶非佞佛  
食須煙火尚慚仙  
故山薇蕨誰爭汝  
留滯江湖又一年

杜止軒先生親書詩卷

千古南豐一瓣香  
此心元不限存亡  
春歸浮世空花盡

恨入遺阡宿草長紙上龍蛇親翰墨卷中星斗舊文章  
挑燈細讀人何在庭竹吹風月照廊

東閣梅花

獨占春魁壓衆芳蕭疎清影伴松篁飄烟自覺風俱韻  
照案疑浮月有香雅致偏饒東閣詠瓊姿愛點壽陽粧  
夜來冷艷侵堦砌恍入羅浮夢裏鄉

憶梅得昏字

驛使天涯不寄春幽人雪裏漫招魂詩成東閣歲華晚

夢斷西湖煙水昏  
曳杖誰行山下路  
吠犬空記竹邊門  
何時瘦影寒香底  
重對春風酒一尊

蘇州

船入閶門水四通  
畫橋三百臥晴虹  
管絃聲咽樓臺月  
羅綺香飄巷陌風  
舞鶴尚餘當日市  
館娃無復舊時宮  
携鱸就買南園酒  
吳越興亡醉夢中

早梅

萬物收榮避歲寒  
一枝驚向臘前看  
都緣鼎鼐和羹晚

故使山林得伴難有恨詩人休折去無情羌管莫吹殘  
冰霜窟裏陽和露此是乾坤造化端

梅花

黃昏庭院月朧朧折得橫枝在手中但覺香從雙竅入  
豈知春與七情通從教驛使音塵隔不與梨花夢寐同  
惆悵無人共幽賞回頭桃李又東風

詩囊

彩筆文章謾自奇百錢誰買一囊詩研摩恰到堪愁處

辛苦爭如未學時無事暗翻今古遍有靈應被鬼神知  
他年待滿三千首付與滄浪聽所之

淨慈寺

陸地金蓮寶界開九天諸佛現樓臺瓊宮不合人間有  
香國疑從物外來幻化茫茫非世務泥沙一一是民財  
詩人此意誰知得看盡雙廊畫壁回

送張無咎赴濟南教授兼簡楊朝舜二首

濟南山水最風流恨我平生久一游君去莫嫌官况冷

詩成猶及物華秋他時雲路終高舉此日芹宮豈久留

况有采亭青眼在笑談真足慰離愁

原註采亭楊之號也

簿書埋損抱官囚文館身閑職最優已說湖山多勝槩  
更聞公府盡名流瑤琴未許朱絃絕寶月宜將玉斧修  
若見子雲煩寄語來春我亦欲東游

送魯瞻赴襄陽幕


木落山高魯甸深缺壺歌裏送陳琳青雲萬里冥鴻路  
黃石三篇烈士心綵筆謾題知己賦布囊誰贈遠遊金



秋風去赴蓮花幕愛客征南冠古今

聽琴贈高媪

海山辛苦坐移情爭似蘭閨操自靈妙譜遠從千古得  
清風長傍七絃生昭文鼓罷人誰解鍾子亡來世絕聽  
流水高山何限意愧無真耳賞真聲



蘭軒集卷四

欽定四庫全書

集部

蘭軒集卷五

六

詳校官中書臣羅錦森

侍讀臣孫球覆勘

謄錄監生臣王 載

謄錄貢生臣湯逢泰

欽定四庫全書

蘭軒集卷五

元 王旭 撰

七律

餞曹南太守秩滿北上

好客長空北海樽，登龍曾鑿李膺門。  
青松有操心元古，白壁無瑕氣自溫。  
鸞鳳書飛天路遠，鷓鴣秋化海濤翻。  
馬頭五色絲綸近，莫指青山是故園。

紀伯新郎中退居儀真十二月十五日生日

桂樹芳輪昨夜晴  
梅花東閣壽星明  
風雲正過千年會  
海嶽全鍾一氣英  
未要急流誇勇退  
且須春酒頌長生  
他年四海經綸手  
鳳閣鸞臺要姓名

壽張士衡郎中

佩蘭餐菊讀離騷  
間和陶詩飲濁醪  
雲氣任從蒼狗變  
玉輝依舊白虹高  
靈椿自可壽千歲  
清鏡從教生二毛  
醉倚青天長嘯罷  
更須人世問秋毫

長庚流彩下遙天  
正在元正五日前  
曾次文章堆錦繡

筆頭真草落雲煙平生玉雪身無汙歲晚松筠節愈堅  
滿酌三盃長壽酒醉看浮世且高眠

壽崔令名昶

夏秋金火正交承金性純剛火性明為有剛明鍾氣質  
故於人物誕豪英聊將一邑弦歌試不待三年德政成  
只恐此中留不住廟堂宣入作公卿

壽劉簿

秋到中元三日前天公特為世生賢因觀才氣高明甚

可見英靈賦與偏人道蕭何真昴宿我知梅福是神仙  
他年經濟功名了更享靈椿壽八千

秋送新涼下碧梧壽星光彩照懸弧當年海嶽鍾英秀  
此日風雲展壯圖鸞鳳暫來棲枳棘鷗鵬終見奮雲衢  
靈椿樹底長生酒能與詩人共醉無

為王萬戶壽

萬里歸來畫錦堂春風花草亦輝光素書細講平生學  
畫戟清凝燕寢香山斗功名方遠大江河福祿更靈長

麻衣袖有長生頌  
攜上龍門侑一觴

虎符龍節萬夫雄  
韜略風雲笑語中  
萬里威留海南北  
十年名鎮浙西東  
麟臺未畫丹青像  
史冊先書戰伐功  
今日南風一盃酒  
願公山海壽無窮

郇城王氏慶九十

并序

人生七十者稀  
况九十康寧者乎  
自非陰功積累之  
厚  
元氣充養之實  
則何以臻此  
予觀世之修鍊以求  
長生者  
幾人能造期頤之境哉  
洪範五福以壽為先



良有以也今鄒城王君正甫之令祖年侔伏生精神  
不衰斑衣滿前春風遶座誠可羨也誠可慶也某預  
賀客之未不揆荒陋謹作律詩一章仰贊厥美庶為  
鄒城他年之一盛事云

衣冠濟濟皓眉鬚九十康寧世所無稟賦得非仁者壽  
丰神元是列仙臞閱殘浮世靈椿老伴落長庚明月孤  
戲綵堂中香一炷不須別展壽星圖

隆慮張公慶八十

夢斷長安冠蓋塵青山杖履白雲身心田廣種無邊福  
眼界長看不盡春名德要為天下老耆英何羨洛中人  
高情懶入非熊兆忠孝傳家有鳳麟

壽李長卿

陰變純坤月號陽年年春意萃華堂靈椿得壽輕千載  
仙李蟠根異衆芳貴產本因勤力大姓名元為好賢香  
滔滔御水東連海應似君家福慶長

壽馮國祥之父

時年八十六

孝友堂中福壽全更堪陽月得春偏  
年齡勝彼非熊叟風骨清於跨鶴仙  
里社慶時賓友盛門閭旌處子孫賢  
靈椿樹底長生酒侑以南陔孝養篇

壽高伯川

規模直擬竇燕山今世求君似者難  
憂患已隨風雨過曾懷宜放海江寬  
芝蘭擢秀呈春色松柏流青傲歲寒  
我有長生一尊酒中和堂上要同歡

壽劉信之

脩然風骨一癯仙壽比松筠晚更堅四壁任從家業薄  
萬金難買子孫賢身無妄動能安分心有誠存不愧天  
我欲題詩發潛德姓名長使四方傳

壽高正臣

雪鬢霜髯赤玉顏精神合作壯年看栽成梨棗心田熟  
掃去塵埃眼界寬自有靈椿千歲壽何須仙竈九還丹  
鯨川異日耆英錄醇德如君數亦難

賈元播母太夫人十二月初十日壽席

天上蟠桃會宴稀  
白雲歌遠舊瑤池  
北堂萱草回春地  
東閣梅花獻壽時  
駐景不須龍虎劑  
承家元有鳳麟兒  
綵衣前後魚軒穩  
長使人間羨母儀

壽王才卿母

戲綵堂深靄瑞煙  
春風蘭玉秀堦前  
齊家有禮閨門肅  
教子無非母道全  
康健永膺天降福  
逍遙長坐地行仙  
欲陪金母瑤池宴  
須待蟠桃爛熟年

越中除夕贈朱彥常縣令

幾年甘旨別庭闈重覓南遊此計非三百六旬今夜盡  
二千餘里幾時歸青雲志大酬偏晚白雪詞高和愈稀  
賴有故人為郡樂天涯樽酒暫相依

七夕

晚涼秋下碧梧邊乞巧兒童似去年烏鵲虛傳到河漢  
女牛安得亂星纏下方縱有流傳俗上界應無色慾天  
萬里乘槎非我事北牕風露且高眠

花月樓臺夜未闌天孫分巧到人間靈槎誤泛星津水

鈿合空留閨苑山烏鵲橋高雲步穩鳳凰機冷玉梭閑  
一年一度還相見猶勝浮生去不還

和劉公澤韻

握手論交二十年心期直到古人邊別離思苦言難盡  
會合情深句可聯萬里風塵非故我一樽文字勝華筵  
相逢且作閑中計富貴功名亦偶然

萬卷塵書兩鬢霜功名心冷更何望蓼蟲縱苦猶堪活  
刀蜜雖甜不願嘗彩筆有靈通造化藜羹無夢到膏粱

歸來淨洗平生眼  
要看紛紛傀儡場

書劍當年賦遠遊  
江山探險更窮幽  
誰知塵土三生疾  
却對風雲一笑瘳  
碧落莫橫修月斧  
滄溟休擲釣鼇鉤  
廣寒宮闕蓬山路  
弱水剛風自古愁

送周知事西歸

身處脂膏不自濡  
箠瓢依舊樂顏愚  
氣凌霜雪巖松瘦  
夢想烟雲野鶴孤  
探道已無他念慮  
養心別有靜工夫  
魯齋千古淵源學  
要把遺編起後儒



雜詩

回首東山望白雲幾時歸去謝紅塵  
三生有債窮書客  
萬事無心老道人  
火候周時丹欲就  
金精飛後氣方神  
從今一蹴虛空破  
何必區區問大鈞

無題

西北青樓倚絳霄  
漢宮春色映芳袍  
佳人獨織紫紋綺  
寒女漫持金剪刀  
欲採蘋蘩供祭祀  
還思歌舞事遊遨  
五雲牢落秋風暮  
夢斷瑤臺壁月高

讀杜詩

風雅誰堪繼後塵  
少陵詩筆妙通神  
岱宗獨立羣山小  
元氣無私萬物春  
一代興衰兼國史  
百年忠義激人臣  
鸞膠不續朱絃絕  
北里黃花日日新

偶成

一世匆匆萬世長  
中間儘有事商量  
初聞冤鳥填滄海  
又見愚公徙太行  
天上美人無夢到  
山中瑤草為誰香  
兩盃薄粥三間屋  
了却浮生不用忙

斷橋晚立

吟筇何處暫逍遙  
萬柳行東第一橋  
蕙葉烟濃春意遠  
蘋花風細暮涼嬌  
僧歸翠靄湖邊路  
寺在白雲山半腰  
歌管誰家事游宴  
錦霞光裏駐蘭橈

送李清臣之刑部主事

試政棠陰未一年  
頌聲喧起古澶淵  
高明飛到雲霄上  
寵命頒來日月邊  
分職莫如刑憲重  
論才誰似使君賢  
于門冠蓋他年事  
要積陰功動上天

寄司都事

去年相見鳳城秋  
嘆我勞生空白頭  
長策欲陳誰見問  
壯懷將吐竟成休  
栽松本不為春計  
力穡唯應待晚收  
歸築書堂泰山下  
此心千載正悠悠

益都權府劉公與僕辱通家之舊其後任博州  
錄事因至壽良僕往拜之十年之別青眼依然  
感激之餘賦詩為贈

風骨巖巖峙玉山  
香名藹藹佩春蘭  
塵埃又作十年別

樽酒方知一笑難  
龍憶舊遊煙海濶  
豹驚新隱霧雲寒  
通家數日高明話  
洗盡三生習氣酸

雨夜同趙君寶賦

鬢影鬚髻燭影寒  
草堂風雨夜漫漫  
高談未覺斯文喪  
遠別應知後會難  
萬里風波連仕路  
十年塵土暗儒冠  
相如空有凌雲筆  
誰解黃金買賦看

夢斷雲霄虎豹關  
江湖風雨夜漫漫  
青燈影淡孤吟苦  
翠被香銷獨卧寒  
南去益悲身浩蕩  
北歸仍畏歲艱難

何時甘旨晨昏了飲水空山詠採蘭

破墻饑鼠伴清吟古屋踈燈照夜深愁裏恨無澆肺酒  
雨中誰搗斷腸砧崎嶇世路驚衰迹落魄塵編惜壯心  
一笑詩成投筆起隔牕風竹是知音

出京

吟拖藜杖出京華笑拂麻衣上客槎秋氣暗催雲外鴈  
夕陽偏照樹頭鴉飢來白石猶堪飯老去青山漸可家  
野史有亭書未就不妨留筆伴烟霞

野店荒雞喚客眠，星河寥落五更天。  
一川霜雪月臨水，兩岸秋聲風送舡。  
萍梗厭漂人海浪，繁華多負帝城篇。  
黃金不買凌雲賦，誰與相如辦酒錢。

送郭以道入京二首

虎踞龍盤十二門，王侯第宅若雲屯。  
百蠻入貢天威遠，四海朝元國勢尊。  
曉日旌旗明禁路，春風簫鼓震名園。  
唐堯虞舜今皇是，未必江潭老屈原。

鳳凰城闕壓金湯，龍虎旌旗護未央。  
萬國衣冠朝玉座，

百蠻歌舞進瑤觴  
花迎宮扇紅雲曉  
日照天袍翠霧光  
江海小臣無以報  
空將詩句美成康



蘭軒集卷五

欽定四庫全書

蘭軒集卷六

元 王旭 撰

七律

讀紫陽宗旨有感

塵榻翛然坐正襟  
掩編低首更沉吟  
百年文字三生債  
萬古乾坤一寸心  
白屋不妨天爵貴  
滄溟難比道源深  
紫陽人去春風在  
吹盡紅香見綠陰

寄閻承旨

陋室神光照夜時錦囊初得寄來詩英靈間氣山川在  
造化春心草木知臺築黃金人自遠鏡垂華髮老誰欺  
白雲咫尺西溪路回首龍門舉步遲

賀閻承旨

白玉堂前第一仙手提星斗步青天銀河泛入浮槎穩  
玉斧修成寶月圓翰職陡從今日重才名誰似我公全  
山人懶作彈冠夢獨為斯文喜不眠

次韻子周見寄三詩

幸非工賈亦非農生理聊充不願豐老態漸來青鏡裏  
歸心長在白雲中山人食蕨寧論粟海客乘槎豈問蓬  
他日丹成謝塵世逍遙誰識兩仙翁

老去收蹤翰墨場山林閑殺儘無傷眼中知己真金石  
身外虛名一糝糠世事經來雙鬢改塵緣消盡寸心涼  
東臯秫酒西溪水何必巢由可共觴

老懶耽書不下堂百年窮達付蒼蒼擬騷更欲全疎酒  
讀易從教小炷香嫩綠每憐蔬滿筯陳紅安用粟盈倉

來詩剩說山居樂目斷飛雲憶故鄉

次張彥清見贈詩韻

不把薇花植翰林擬將瑶草種雲岑黃塵涉世知無益  
白髮窮經恨未深巧斲爭如閑袖手高談何似靜存心  
感君贈我陽春曲拭拂朱絃和雅音

挽楊庸齋先生

平生講道向鱸堂春散燕山草木香歲月傷心留不住  
人琴回首嘆俱亡姓名已入翰林傳詩禮仍傳世業光

惆悵百年通德里，辦香何止負陳郎。

秋筍

粉香圓膩綠森森，玉版風姿照舊林。  
玄豹養胎煙色暖，蒼龍埋角土痕深。  
勻生喜訝人排指，密出驚看朋盍簪。  
指日風霜三百尺，暮雲滄海釣鰲心。

春露曾參玉版師，秋風又見錦棚兒。  
從教落葉埋藏了，莫遣饒夫取次知。  
抱節不妨生世晚，背時終覺立身遲。  
歲寒霜雪成竿後，管取青青不變移。

一夜秋霖陷牧場角存無復見牛羊中藏瘦骨瓊三寸  
外隔寒煙錦半張造物欲留觀晚節詩人何暇濟饑腸  
歲寒友得梅松了不識春風儘未妨

梨花

姑射仙人霜雪膚東君施與翠裙襦高情遠意十分有  
冶態妖容半點無未要春風吹散漫且教明月伴清癯  
雖然不與梅同夢何愧寒香雪裏株

讀漢文帝紀

漢家綱紀出秦餘  
正要王風痛掃除  
宣室鬼神安足問  
賈生才畧未全疎  
可憐當代農桑詔  
不到先王禮樂書  
志士悠悠千載下  
撫心流涕欲何如

雪晴

風袂翩翩杖屨輕  
登臨乘此雪初晴  
花從望眼窮時得  
粟向吟肩聳處生  
宇宙更無塵一點  
胸懷惟有氣同清  
瓊瑤一色三千里  
誰羨仙人住玉城

滿目寒光射曉晴  
吟肩雙聳不勝清  
一宵誰把塵區換



萬象還從太素生日月也知天不夜丘陵終覺地難平  
登臨一笑詩成處長記鯨川古廢城

敬聚堂

椿桂垂陰護慶門婆娑枝葉本同根堂中琴瑟畫方永  
階下芝蘭春正蕃宗法不隨衰世壞義風長逐敬心存  
齊家豈在修身外詩禮無忘訓子孫

遊太清宮

沈沈樓觀五雲中紫氣長生萬歲宮華表鶴來滄海變

羽衣人去石壇空苔封古篆殘碑綠日下疎簷老樹紅  
安得玉笙王子晉一樽同醉碧桃風

聞簫

維山雲冷鳳臺空誰譜遺音泣夜龍興在碧桃春色裏  
聲飄銀漢月明中悲來赤壁歌誰和老去青樓夢亦慵  
喚起愁心眠不得露筇寒倚一簾風

水樂洞

浪翁仙去幾年依舊空山水樂傳歷歷宮商誰次第

泠泠音節自清圓塵埃洗我三年耳韶濩還他萬古天  
安得高人玉澗手夜深和月寫潺湲

送石子章歸省鄭南

天上瓊宮隔紫微黃塵空染芟荷衣三年客館魚歌斷  
千里鄉關雁信稀東野自憐詩作崇豐城誰識劍騰輝  
文章更比黃金重未信還家不下機

詩瓢

莫笑莊生瓠不容一朝分割屬詩翁新篇未厭收來滿

元氣須防挹處空興在箕山拋擲外春生顏巷笑吟中  
等閑莫放江湖去留酌天漿伴五窮

汴梁故宮

萬歲山前草木煙太平歌舞憶當年難將治亂全歸數  
欲把興亡細問天飛盡劫灰還故土流窮滄海到平田  
壯懷安得參軍筆擬賦蕪城第二篇

檜枕

斷斷尼山雨露春吟歌猶想舊凌雲曾依東魯悲麟叟

又伴南華夢蝶人一榻清風千古意半窗殘燭六經文  
天民先覺無窮事未要高眠逸此身

妙質含香穩稱頭千年元聖手親留吟邊物象懷東魯  
夢裏風雲記晚周往事不堪春寂寂斯文空伴夜悠悠  
杏壇想像平生樂誰羨三山海外遊

芹宮

寄迹芹宮靜愈便開書終日對前賢一廛自有閑中地  
萬物應無性外天淡淡爐烟門掩畫陰陰庭樹鳥呼眠

東風也是撩詩興吹送殘花墮我前

眼暗頭昏未解醫且收黃菊向東籬不教九日浮蛆近  
惟許中宵夢蝶知秋色滿囊橫處穩寒香徹腦覺來遲  
南窻得意高眠了誰問騷人日夕饑

登徐州黃樓

兒時曾誦黃樓賦心在彭城三十年今日扁舟來過此  
令人懷古却悽然山川故國衣冠後風雨殘碑瓦礫前  
萬里青天鴻鷁去空餘饑雀啣寒煙

留別楊子敬經歷

玉雪風標鐵石心性天明達量宏深開樽東閣良朋滿  
拄笏西山爽氣侵幕府香清蓮吐色庭階春好桂成陰  
自慚奏曲非流水誤向朱門得賞音

壯心寂寞死灰餘感激還因一氣噓託契正深東閣意  
喚歸無奈北堂書豺狼路險人方畏烏鵲巢安我不如  
從此百年知已夢門牆安敢等閑疎

有寄

昔年詩酒接鄰牆今日風雲隔廟堂四海陽春隨化筆  
幾人潛德發幽光經綸不負平生學姓字當流後世香  
見說門闌多隙地好乘春雨種羣芳

寄趙君寶三首

手折羣芳佩石蘭賞音人在碧雲端蒼龍秋卧海波濶  
白鶴夜鳴風露寒泣玉淚窮山寂寂問津人去水漫漫  
天涯早晚重相見樽酒為歌行路難

氣歛青雲入酒狂賦成猶未獻長揚字形灑落傳東晉



詩句風流學晚唐  
長劍一為鄉外客  
清砧三搗月中霜  
夢歸堂上新秋雨  
猶記相逢說斷腸

漫刺東來久未歸  
白雲心斷太行西  
一書薦鷄人何在  
三策懷君日又低  
雲路有朋秋雁去  
風枝無侶夜烏啼  
東州滿眼交游在  
且莫哀吟動慘悽

寄張仁甫

曾向山齋對榻眠  
清談疊疊足幽玄  
春融蟬蛻無多事  
魚躍鳶飛共此天  
未用連城沽趙璧  
且將流水奏牙絃

思君重把論文酒惆悵蒼山隔暮煙

有寄

奉高三載又鯨川自笑身如泛梗然處困不堪家累重  
謀生聊藉主人賢玉無善價應藏積琴有知音未絕絃  
最是松楸夜來夢風霜吹繞憲陵阡

寄申屠大用

蚩尤臺下草還春賓館淹留滯此身  
斷堊舊勞思郢質  
唱歌今覺困巴人悠悠世事關心遠  
歷歷交遊寄念頻

白屋青燈兩行淚功名辛苦候錢神

飛黃騰踏上雲煙廢井蛙留更可憐劍氣未消南斗下  
文星遥拱北辰邊人間種玉嗟無地物外乘槎幸有天  
一策治安經濟在不須辛苦憶林泉

半生辛苦飯山前白石歌成却自憐倦客情懷如中酒  
故人書信又經年六么爭博知誰勝三釜為心覺子賢  
別後錦囊應拍塞因風無惜墮華箋

長卿邀飲東園大醉而歸明日賦此為謝

古來曾說四并難，只恐芳華取次殘。  
小圃從教名獨樂，危亭元不礙遐觀。  
呼將翠袖歌楊柳，圍住春風醉牡丹。  
為愛主人深好事，題詩留與後人看。

虎詩二首

遍體斑文錦織成，爪牙傷物利如兵。  
卧身天闕諸神避，掉尾山林百獸驚。  
巖下路從行處斷，谷中風逐嘯時生。  
眈眈自有雄威在，莫使妖狐假借行。

身映蒼崖卧錦屏，目如白日射金星。  
行時路印蹄蹤惡，

嘯處風連吻血腥  
佞鬼無知供使役  
妖狐有智假威靈  
何時罷逐天門守  
放我披雲謁帝庭


病起

病起行吟近水湄  
水中形影照支離  
城頭老樹羣鳥集  
澗下長松獨鶴知  
賴有青氈為舊業  
不妨白髮待明時  
賣詩欲買雲山隱  
又恐雲山不療飢

病卧戲成一詩呈張元侃同知

矍鑠方矜老據鞍  
豈知禍出不防間  
驂騑作怒生三蹶

老子翻空就一跽痛為連腰身莫轉藥因調酒面常殷  
此時有恨君知否悞却來朝朝泰山



蘭軒集卷六

欽定四庫全書

集部

蘭軒集卷八

七

詳校官中書

臣

羅錦森

侍讀臣孫球覆勘

謄錄監生臣鄭啟緒

謄錄監生臣尹大謙



欽定四庫全書

蘭軒集卷七

元 王旭 撰

七律

良馬

足躡清風傲八荒，虎文龍骨氣昂藏。  
相無伯樂應嫌瘦，御有韓哀始信良。  
竒種舊傳青海畔，遠游曾到白雲鄉。  
千金買骨人何在，落日鹽車路正長。

螳陳

只知終日慕羶忙豈料槐安有戰場隊伍勒成階下陣  
干戈擁出穴中王兵端不解渠誰怒物像雖微事可傷  
山雨忽來蹤跡滅回頭何處問興亡

悼鴈

避弋冥飛遠禍殃將軍神箭竟難防上林無復傳書信  
南國空聞飽稻粱恨滿霜天寒日短愁連煙塞暮雲長  
庖羹味美非吾事惆悵西風惜斷行

和張繡江見寄聞鴈有感韻

鴻鵠翩翩晚倦飛  
稻梁稀處網羅稀  
但教飲啄無相累  
何處山林不可依  
日月易催人老大  
塵埃難察事機微  
春風來歲家園路  
絕勝天涯夢裏歸

歸鴈

春風吹綠洞庭波  
又見歸鴻片影過  
萬里隨陽勤若此  
一身懷土意如何  
別來故國音書少  
飛向城邊射獵多  
且莫肥身戀梁稻  
更須高舉避雲羅

塞北風霜避侶稀  
江南煙水稻梁肥  
閑身正好三春住

老翅誰教萬里歸遊子念親驚歲月尺書憑爾寄庭闈  
人間繒繳無窮事著意東風穩處飛

上賈參政

十年攻武復攻文壯志曾期解世紛碧海有船空載月  
青山無地可耕雲悠悠擬附圖南翼碌碌誰分冀北羣  
聞道龍門愛奇士暫將帆影繫斜曛

留別張參政

丹成原不慕飛昇為謁羣仙到玉京人海涉來風浪惡

家山歸去白雲輕  
西溪雖有盤桓志  
東閣能無眷戀情  
珍重廟堂經濟手  
早將霖雨慰蒼生

朝元宮

紫極塵生萬象昏  
誰移玄圃下崑崙  
當年帝子宮何在  
此日元君位更尊  
金狄有時逢蒯子  
鼎湖無處問軒轅  
秋風莫上朝元閣  
一片興亡斷客魂

元日

昨宵守歲坐寒齋  
今日還添一歲來  
兒女但知年可賀

光陰寧覺老相催，乾坤元氣誰消長。  
造化神機自闔開，知命樂天吾事了。  
閑愁安得到靈臺。

二月二十七日自鄆城還東平拜掃途中作

連日陰寒，近暮春今朝晴色，喚行人青天已散雲。  
三面老樹猶留雪，半身野氣茫茫如積水。  
日華冉冉動游塵，東風羸馬荒山道。  
遙憶松楸灑淚頻。

宿田家

夜涼雞犬靜柴門，白露蒼苔發興新。  
落葉數聲風繞樹。

瘦筇三尺月隨人向來漫託親朋力此去誰知道路貧  
甘旨但供晨夕了折腰誰復事紅塵

九日

秋風砧杵動燕城旅舍蕭蕭夢自驚排悶強斟黃菊酒  
憶歸非為紫萸羹柴桑詩好人何在楚澤蘭衰恨未平  
戲馬登龍非我事缺歌聲裏暮愁生

木落亭皋鴈過初感秋書客意何如萸鱸有興鄉心重  
萸菊無情節物疏漠漠風塵驚短褐悠悠天地入閑居

相逢賴有知音客時著新詩為起予

宿龕山夢中作

海上清風吹白雲閑來獨訪玉宸君妖氛未洗蛟龍雨  
逸氣空驚鸞鶴羣滄海劫來塵擾擾華胥春老絮紛紛  
故山有伴合歸去浮世功名值幾文

詩壇

詩中誰立將壇高不犯人間板鍤勞上下自然分等級  
古今惟許拜風騷旌幢共仰曹劉盛鼓吹曾登李杜豪



白玉仙梯三萬丈未應平步到吾曹

詠蟬

穢質元甘糞壤埋誰知羽化出塵埃爭來碧樹高低噪  
誤作銀箏斷續猜千古恨留千古恨一聲哀似一聲哀  
高枝莫道長堪戀會有狂風橫雨來

蛙

芥體青圓尾亦無全非蝌蚪舊形模不辭絳老泥塗辱  
空作儀同鼓吹呼蝕月雖能上霄漢全身何似老江湖

荒池正與書齋近儘意爭鳴聒老夫

退居

九萬扶搖儘未閑鷓鴣何似一枝安  
人情始向危中見天理終從定處看  
花鳴蝶飛春事曉松梢鶴唳月明寒  
袖中詩句樽中酒高挂塵冠不用彈

幽居

白髮窮經晝掩門就中何事可深論  
中庸今古聖賢學太極陰陽天地根  
外物浮雲當漸掃此心明月要長存

呼兒欲出還惆悵日暮南山雨氣昏

秋懷次韻

滿意新涼雨後添詩隨幽境覺情遷  
鱗鴻錦字誰堪寄風雨瓊芳自可憐  
枕上青山留倦客鏡中華髮歎流年  
離騷說盡獨醒意世事無邊且醉眠

虎尾鞭

生前曾恥穿中搖死後仍從馬上招  
密節纏筋堅可翫腥風隨手勁難消  
攜將北野看馳逐指向南山歎寂寥

一笑詩人安用此寒驢風雪灞陵橋

上史行省

藉藉勲名動九天雄文英武事俱全  
扇揮白羽軍容肅鉞擁黃金帝命專  
遺德嗣音來峴首捷書飛喜入甘泉  
征南咫尺平吳了麟閣風清一萬年

呈王信卿提領

剗治才優刃發硎唱酬詩好玉流聲  
權衡有道心何預冰鑿無私物自平  
霖雨未隨經濟展春風常向笑談生

青雲萬里前途在要與斯文力主盟

留別王子謙

挈累西來一歲餘主人恩禮不曾疏  
人生雖樂英材聚師席終慚道業虛  
半世行藏身未定中年離別意何如  
知君積德門將大莫遣賢郎廢讀書

至元庚寅春留別夏津諸公

西來兩見歲華更眷顧留連感衆情深愧無能叨文席  
何曾有益到諸生心懷雨露霑濡感身迫松楸拜掃行

想得還家他夕夢依然長只在郿城

真州將之抗留別賈元播

春到江湖鴈北歸扁舟南去寸心違  
門闌顧盼前恩重  
詩酒風流後會稀  
日月百年雙轉轂  
功名千古一危機  
九臯風露青田鶴  
未羨乘軒飲啄肥

將之長沙留別建康王宣慰仲思

十年親友半凋零  
會面天涯喜復驚  
載恨帆檣江漢水  
論心詩酒建康城  
天門虎豹身難上  
人海風波事易生

後夜長沙千里月可能東閣便忘情

次韻楊朝舜留別三首

不恨生涯伴五窮恨無才學動羣公誰知槁木寒灰外  
忽墮光風霽月中道義難量胸次妙文章何止筆頭工  
一杯從此論交後肝膽平生了異同

詩似春雲態度多高談滾滾更懸河駑駘欲擬驂騑步  
下里終慙白雪歌弭節天門愁虎豹停橈人海畏風波  
相逢只有樽前好奈此關山離別何

憂患年來不自禁  
蓼莪那忍為君吟  
行藏未了三生活  
分義先論一寸心  
白璧連城無近價  
朱絃清廟有遺音  
一枝勸我營巢了  
誰羨扶桑與鄧林

用崔郎中送行韻留別

十年南北與西東  
世路風波處處同  
立事我無今日分  
好賢君有古人風  
蠅羞驥尾甘鑽紙  
女妬蛾眉懶入宮  
回首故山春色動  
採芝歸伴白雲翁

呂梁洪



波濤相望控黃流萬古行舟到此愁聲鬪雷霆終日險  
寒生風雨四時秋路當南北通行處地接徐邳兩界頭  
我識古人疏鑿意建瓴奔水要停留

送石仲遷還家

泮水秋風木落初歸心應不為鱸魚黃塵游子朝彈鋏  
白髮慈親暮倚閭詩句有靈山鬼泣行囊無物世情疏  
還家袖取江山筆勉力功名剩著書

還家

布囊探盡遠游金物外靈槎懶重尋莫遣家人問主事  
且留山鬼伴孤吟夜寒鄰女機絲苦歲晚幽人巖穴深  
擬傍梅花種瑤草春風不到草堂陰

枸杞茶

為愛仙巖夜吠靈故將服食助長生和霜搗作丹砂屑  
入水煎成沆瀣羹頰舌留甘無俗味旗槍通譜亦虛名  
懼儒要鍊飛昇骨莫厭秋風古廢城

晚宿山家

行過荒山日已昏  
人家雞犬隔林聞  
風聲怒撼臨頭樹  
雨氣寒吹過面雲  
借屋眠來人幸許  
呼燈餐畢夜將分  
倒身未穩還思句  
自笑詩翁有許勤

戴花詩

倚欄終日對花吟  
爭似分來坐上簪  
春色偏宜映紗帽  
天恩何必宴瓊林  
青春共道留連好  
白髮誰知感慨深  
非為風流詫兒女  
一枝遙寓故園心

落花

萬點紅飛綴已難捲簾空作斷腸看綠牕人靜苔留在  
紫陌塵香馬踏殘長樂夢回風力惡武陵春盡水聲寒  
燕泥蜂蜜飄零外獨賦招魂倚畫欄

題留侯廟

擬報韓仇散萬金當時寄意亦何深擊關本為亡秦事  
燒棧初無佐漢心黃石教來書不昧赤松游去迹難尋  
行人再拜荒祠下風義千年激素襟

醉鄉

醉鄉元只是華胥浩浩淳風一事無風月誰賓復誰主  
乾坤忘我亦忘渠欲拋塵世來歸隱宜向糟丘細問途  
幸自此中封域闊愁城何戀不移居

醉後

萬象茫茫醉眼高泰山元不勝秋毫靈臺有守神方逸  
欲海無邊夢亦勞兼善久期天下士屢空誰識聖門豪  
乾坤上下春容滿閑倚春風看桔槔

賢母李氏卷後

女中稱孝婦稱賢教子成家母道全華髮任生青鏡裏  
春風長在綵衣前珠明玉潔塵埃遠桂秀椿榮造化偏  
正要高人揮健筆姓名書與四方傳

鐵拄杖

入手寒生重且堅試拖石上響錚然山川每伴經行處  
日月誰知始鑄年豺虎風塵方滿地蛟龍雷雨未還天  
相逢若說扶顛力藤竹從今不值錢

竹瘦藤輕苦未堅鐵君剛質出天然只應鍛鍊成功日

便是顛危効力年常愛衛身艱險地却嫌冰手歲寒天  
相從未厭提攜重更擬春風挂百錢

贈易卜程仲揚

太古囊中一卷書情懷無繫任居諸秋毫漫騁離婁目  
赤水終還象罔珠易講天人窮達了道嚴龜策鬼神趨  
年來世路機關惡擬就清廉覓坦途

旅懷

鷺在魚梁鶴在林美人千里重勞心關山歷歷夢魂遠

世路悠悠風浪深芳草有情春自綠浮雲多事暮還陰  
歸來夜半寒齋雨山鬼青燈伴苦吟

泊舟黃蘆港

黃蘆灣口夜停船烟霧茫茫水拍天世事關心低首坐  
病身無力曲肱眠天涯鄉國信音遠雨後江湖秋氣偏  
倚杖中州看牛斗客星槎上又三年

碧桃

曾種蓬萊海外山仙根誰遣到塵寰細看碧萼風流處



當在青梅寄夢間  
金母宴餘春色淨  
玉笙吹罷晚香閑  
對花一笑三千歲  
未覺劉郎兩鬢斑

讀離騷

詩到東周雅頌亡  
詞興南國自流芳  
天門日暮靈修遠  
瑤草春深佩服香  
姦骨百年塵共朽  
忠名千古日同光  
呼兒掩卷還欹枕  
風雨無邊夜正長

寄閻學士

海人辛苦不求仙  
銀漢乘槎亦偶然  
內相肯輝扛鼎筆

書生合了住山緣文章自古多憎命窮達從今不問天  
只有歲寒心一寸感恩終擬報他年

蓬萊山上玉堂仙一別音容又幾年誰辨連城買燕石  
空思流水和牙絃棲遲正坐貧窮累感激常因記憶篇  
欲作龍門千里夢寒齋風雨不成眠

欲倚雲霄萬丈梯閭風高處振塵衣仙游無力情終懶  
世變驚心事更違歲暮龍蛇歸蟄臥天寒禽鳥傍巢飛  
平生知己人何在遙望文星隔紫微

蓼莪心苦百憂纏  
挈累西來亦偶然  
鴉鷄敢窺雲外路  
醯難聊舞甕中天  
青氈縱有人相問  
絳帳終無道可傳  
糊口郇城今歲了  
未知何處過明年

聞砧

秋夜人家競擣衣  
西風斷續月徘徊  
玉門關遠寒衣促  
白帝城高暮景催  
力盡深閨雙杵急  
聲來孤館寸心摧  
誰憐季子貂裘敝  
腸斷天涯未得回

守歲

偶書春帖未忘情又向天涯感慨生  
守歲不能留歲住  
固窮安用送窮行  
數莖白髮人將老  
一寸丹心燭自明  
草草杯盤供祭罷  
強隨兒女坐殘更

磨劍

神物千年號太阿  
土花生澁要重磨  
鳳山石細聲如雨  
龍沼泉清影射波  
光照雪霜寒不定  
氣衝星斗夜猶多  
尚方未遂朱雲請  
且伴先生彈缺歌

蘭軒集卷七